



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ioannis Bvgenhagii Pomerani Annotationes ab ipso iam
emissæ. In Deuteronomium**

Bugenhagen, Johannes

Basileae

VD16 B 9247

Capvt Primvm.

urn:nbn:de:hbz:466:1-36133

Iudæos, subigit gentes, ordinat dei cultum, parat omnia ad consummandum futurum templum, sed tamen templum & quæ dei sunt perficerenon potest, omnia tamē in conspectu dei & ab ipso deo acceptantur pro consummatis, quia in regno Christi imputantur quidē nobis, quia suscepti sumus, omnia pro perfectione, consummata tamen iustitia in hac uita non contingit. Omnia uero post mortem Dauidis sub Salomone consummantur ut dicemus suo loco. Omnia uero horum exemplum hodie uidemus quando regnum Saulis, id est hypocritarū, perit, Christo rursum per euangelium incipiente regnare, non desinent tamē ad finem usq; mundi qui cupiant regnum ad Saulem reuerti &c.

CAPUT PRIMVM.



Vām uero corde hic doluerit Dauid ex præcedentibus uidere licet, id quod est exemplū diligendi inimicum si in solum Saulem respicias, quē dolet Dauid tam turpiter interisse, cum gloria fuerit Israëlis cōtra gentes, quæ nunc gaudent & blasphemant nomen domini. De Ionatha & filijs Israël occisis quid attinet dicere in hoc luctu Dauidis? Iacet populus dei, & dei nō men blasphematur in gētibus. Porro Amalechites qui mendacio gratiā inire uoluit apud Daudem, licet nō mentitum Iosephus uelit, sententia oris proprij perit.

quēadmodū

quēadmodū ille in parabola euāgelica , cui dicitur,
Ex ore tuo te iudico serue nequā. Non enim iam par-
cere debuit ei Dauid, quē dominus tradiderat in ma-
nus eius iudicandū ex oris sui sententia . Sciebas, in-
quit, Christum esse dominū, quia ex proselytis te esse
dicis, ergo nō debebas hoc malū facere, ne iūsus qui-
dem, nisi etiam nō peccasse putas. Doēch Idumæum,
qui iūsus occidit Christos domini. i. sacerdotes. Inci-
dit uero in hoc iudiciū Amalechites hic iudicio dei,
ut cū reliquis Amalechitis periret, à quorū cāde iam
Dauid uenerat. Corde enim Amalechites adhuc erat,
qui externa circuncisione Iudæū proselytam se men-
tiebatur. Veste conscissa. &c.] Quæ tunc erant si-
gna luctus. Iste enim luctum simulabat. &c.

Arcum.] Vulgo intelligunt, ut filij Iuda discant
arcu iacere, & exerceantur ad præliū, & fortes sint
ne cadant aduersarijs. &c. Quod si uerū est, librum
iustorū intelligo librum Iudicum, ubi dicitur cap. 3.
Haē sunt gentes quas dominus dereliquit, ut erudiret
in eis Israēlem, & omnes qui non nouerāt bella Chaz-
nanorū, & postea discerent filij eorū certare cum
hostibus, & habere consuetudinem præliandi &c.
Verum nō video, qui hoc loco huic conueniat. Iccir-
co arcum putamus fuisse carminis siue lamentationis
huius appellationem, & istum librū qui hic citatur,
non extare nunc. Iosephus quoq; dicit se uidisse epi-

T

taphium Saulis & Ionathæ à Davide conscriptum,
quod uerisimile est esse istud quod hic describitur,
aut huic simile. Arcum igitur dicimus carmen in quo
canitur arcus fortius superatus, & fortis cecidisse qui
uictores euadere solebant, q.d. Tantus est hic luctus,
ut perpetuae memoriæ mandari debeat, quemadmo-
dum quod carmine celebratur &c.

Inclyti.] Incipit carmen. Et dicit, Super montes
tuos, non dicit, ô Israël, uel ô Gelboe. Sicut enim af-
fectus læticia gestientium, alijs non sibi, obscure los-
quitur, ita & dolentium &c. Sic in psalmo, Funda-
menta eius &c. Certa tamen sententia ex sequenti-
bus deprehenditur. Nolite.] Non potest prohibi-
bere David, quod ubiq; iam dicebatur in ciuitatibus
gentium & templis, sed affectum suum indicat, quo
nolle hoc dici, significans quād doleat de ista inter-
gentes blasphemia. Montes.] Loco ei iam male
precatur, ubi talia mala contigerunt, quasi diceret,
Non sit hic locus acceptus deo, ut illic aliquid frugis
proueniat, uel in usum hominum, uel in oblationem
dei. Sagitta.] Laus mortuorum, quemadmodum
fit in epitaphijs. Aquilis.] Scilicet ad persequen-
dum hostes &c. hyperbolice orationes sunt.

Vestiebat.] Ex præda hostibus erepta. Vestræ iā
illæ deliciæ perierunt &c. Quō.] Qui ita finit sans
indicat se plura uelle loqui, dū dolor nō permittit.